

wurde, soll als dan die nit haltete (haltende) party dem haltete (haltenden) Zweifacher pennfall verwürckt haben, den selben on Alle Wider (sic) bezahlen schuldig sein.

Es sind auch die vermelten Burgfriden, auch ander Vertrege mit allen Punkten und artigel durch die Successores mit der angehenthten Insigel und gethone glibte Ratificired und Converzired worden.

Nun aber nach absterben Balthijars von Schellenberg ist dise halbe Herrschafft uff sein verlassne Witib geborne von Freyberg Erbs Weis gefallen. Die hatt nach Uß gangß des bauernkrieg mit aller gerechtichait Freinbruder Fridrich von Freiberg, der iziger Frau Elena anherr, verkhaufft, welche als den uff Ferdinando Erblich khumen und iz an Uß Frau Helena von Embß geborne von Freiberg noch In Freer Jugendt ge Erbt, auch also durch Fre Vormünder Begerdt worden bei wellichen sich Etlich spen erhebt haben sy die Vormünder In krafft vorgemelte vertrege aine Compromiß mit 300 fl verbeid (Bann, Verbannung), welliches unsz weisendt, weis wir unsz In wereide und biß usz gende Compromiß halten solten und sunderlich befülscht, ob unsz unßer Burgfriden auch Indeß vertrags artiggel hey ver Würckung ein Geleibte bennfals Zue halten schuldig sein solten. Und sal ein tail oder mer artiggel über geng (übertreten wurde), der selb soll gleich als bald den verwürckten penn sal Zue begelten schuldig sein, und soll nicht dest weniger dazß Compromiß mit allen punkten In seinen fresten beleiben.

Nun hat sy gemelte Fraw, mein nachparin, In dem noch w erenden Compromiß mit dem Wolgebornen Graß Gabrehele Ehelich verheuradt, der nun als der Ehevogt diß zil gemelt Compromiß In dem Jar 64 (1564) mit allen bunckhten und Inhalt absolute und genzlichen one alle Condition Ratificierdt hett. So ist in disem Abschid under anderem verabschidet: Das wir under uns selbst oder durch Gutte Freundt mugen einen artiggel oder mer mit einander vergleichen, der soll so khrefftig sein, als der obmann selb usz gesprochen hette und doch dem Compromiß on schaden und in seinen khrefftigen beleiben. Und Uß diß Ist Zwischen Uns ein vertrag anno 65 uffgericht, der unsz auch uffsetzt, wir selb unsere Amptleudte und Diener unsern Burgfriden halten und nit derwider handel. Die weil nun aber mein Nachperin auch ire Diener über die Obvermelte verpenndte Burgfriden auch der alten und neuen vertrege und auch wider